

這篇墓表資訊詳實。如表所述，萬源米行、萬益源米較、萬豐源米較、香港的福源米行及福海輪船公司均為謝媽延（謝壽山）一人所創，這對我們提綱挈領，理清西貢華人米商歷史脈絡是不可多得的資料。<sup>1</sup>

## 謝君壽山墓表

越南與我西南邊徼接壤。數百年來我漳泉之人航海而往，開拓經營，爰立家室，屹然為彼中之望者大有其人，如

謝君壽山是也。君原籍福建海澄縣之三都水頭社，先世僑東印度之巴達維亞，故君生長海外。幼失母，隨父歸國于廈門就學，兼習英文。以越南產米之國，地濱海，便於轉輸，大可發展，既冠、有室，遂請于父南渡。越居數年饒有積蓄，即在堤岸市勅立萬源米行。越三年，會有法商機器碾米廠自動停業，君乘機集股購之，改為華商萬益源機器有限公司。總其務垂十年，嗣以是廠為地勢所限，未能擴大集股，就堤岸平東地方重新購地訂購新式機器，從事建築，迄三年始告成，號為華商萬豐源公司，而規模宏大矣。復於星洲開設支行，于香港成立福源米行及福海輪船公司，行駛港越各埠貿易。所及東達港、滬、日本，南及菲律賓、星洲、荷屬東印度。稱盛一時。君又別具眼光，於堤岸市內荒蕪沮如之地建設。為時未幾，崇樓愛宇羅列，蔚為繁盛，其識力之過人有若此者。素急公益，熱心教育。前清光緒年間開辦順直賑捐，以君輸賑甚力，部議獎敘得旨加按察使司銜，賞戴花翎，給予三代從一品封典。清季，集同志在越勸辦閩漳小學校，繼又首捐巨貲並得僑友及居留政府贊助，首勸中法中學。法政府授給一等文學勳章。民國十年華北大饑，君發起與諸米業鉅賈專輪運米赴災區散賑，存活甚眾。事後稽滑大總統給獎三等嘉禾章。民十三年，以閩漳學校狹幅，又倡議建築福建學校，以宏造就。溯自勸始閩漳學校以迄福建學校，數十年中學生皆可免費就學，得君之惠為多。君之族中子弟有志向學者輒夥之，或遣至法京留學，多有畢業專科，歸為國用者。君亦絕不以為德。歷任福建幫長、堤岸市政廳參事、閩漳福建中法學校董事長。法政府以公旅越五十餘年而能為大眾福利特獎給五等榮光勳章，論者謂旅越得授此章者計三，可謂華僑中有數人物也。君于慈善之事知無不為，而天性甚摯。生母莊太夫人葬于巴達維亞。民 28 年挈子清淞乘荷國航機飛渡東印度祭掃事畢返越，猶以故鄉墳墓未得歸省為憾。體素健，晚年雙瞳微×，言刮之，旋得肝疾，以民國 29 年庚辰六月二十九日終於堤岸梅山街私邸，距生同治元年壬戌七月初四日享壽七十有九歲。越七日，葬于嘉定省富壽村之明德堂墳場。君諱洪棉，一名媽延，壽山其字也。配周夫人、繼配鄧夫人，均先卒。有子男八人，長清沁，娶林，均歿；次清淋，娶邱，居於鄉；次清源，殤；次

<sup>1</sup> 其抄本現存廈門華僑博物館。承蒙薛家吉先生和蕭彩雅小姐分別幫助使此文件得以公佈，特此感謝。

清淞，娶江；次清澄、次清池，娶薛；清浩娶林，清江娶李，均在越。女四人、孫男十三人：炳朗、丕振、丕盛、丕贊、丕聰、繼興、丕嘉、丕健、丕叻、丕顯、丕成、丕茗、丕繼。孫女十七人，曾孫二人，經國、衛國。君歿之越年，清淞具行狀，因友人黃君鐵叟郵書，屬為墓表。唯君在越建樹甚卓，不待表而始彰。然越自隸於法，僑越者率多歐化，棄捐一切，偏重物質，有如學步邯鄲，未成而失其故步者往往而有。君雖因時設施，亦利用機器與歐人相爭逐，而獨能不漓其天性，篤於所生，年及耆矣猶冒險航空渡長洋，以展親墓，是其孝思之至，可轉移習俗而不為習俗所轉移矣。故特著之以表，以為僑越諸君子取法焉。

中華民國三十年歲次辛巳二月 穀旦

南安吳增 拜撰

南安黃毓青 拜書

